



Халқ сўзи

Ўзбекистон –
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган



WWW.XS.UZ



E-mail: Info@xs.uz



2025 йил 26 сентябрь, № 199 (9094)

Жума

Сайтимиға ўтиш учун QR-коддини телефонингиз орқали сканер қилинг.



Ўзбекистон Президентининг ташаббуслари жаҳон ҳамжамиятида алоҳида қизиқиш уйғотмоқда

Хорижий экспертлар давлатимиз раҳбарининг БМТ Бош Ассамблеясининг 80-юбилей сессиясидаги нутқи ҳақида



Акс садо

Ўзбекистон Президенти Шавкат Мирзиёев 23 сентябрь куни Нью-Йорк шаҳридаги Бирлашган Миллатлар Ташкилотининг бош қароргоҳида бўлиб ўтган Бош Ассамблеянинг 80-юбилей сессияси умумсиёсий мунозараларида нутқ сўзлади.

Давлатимиз раҳбари ўз нутқида халқаро ҳамжамиятни Ўзбекистоннинг барқарор ривожланиш мақсадларига ҳамоҳанг амалга оширилаётган ортга қайтмас изчил ислохотлари билан таништирди. Ундан кўзланган бош мақсад мамлакатимизда яшаётган ҳар бир оила, ҳар бир фуқаронинг ҳаётини тубдан ўзгартириш, инсон кадри ва фаровонлигини оширишга қаратилганини таъкидлади.

Шунингдек, Ўзбекистоннинг очиқ ва прагматик сиёсати, глобал ва минтақавий хавфсизлик, барқарор ривожланиш бўйича навбатдаги муҳим тақлиф ва ташаббуслар илгари сурилди. Президентимиз таъкидлаганидек, янги Ўзбекистон дунёнинг барча давлатлари билан ҳамжиҳатлик, очиқ мулоқот ва яқин ҳамкорлик тарафдори.

Хорижий эксперт-таҳлил доиралари вакиллари Ўзбекистон Президентининг БМТнинг юксак минбаридан туриб билдирган ташаббусларини шарҳлар экан, улар барчани бирдамликка чорлаш, тинчликни сақлаш, халқаро миқёсдаги муаммоларга ҳамжиҳатликда адолатли ечимлар топиш ва халқаро масалаларда мулоқот платформаларини яратишга қаратилгани билан эътиборга молик дея юксак баҳоламоқда.



ДУНЁ ЭЪТИБОРИНИ ТОРТГАН НУТҚ

Ўтаётган ҳар бир кун юртимиз тарихида сиёсий, ижтимоий-иқтисодий воқеликларга бой бўлмоқда. Давлатимиз раҳбарининг Бирлашган Миллатлар Ташкилоти Бош Ассамблеяси 80-сессиясидаги иштироки ва илгари сурган гоҳ ҳамда ташаббуслари, долзарб муаммолар юзасидан билдирган тақлифлари дунё жамоатчилиги, халқаро эксперт ва сиёсатчиларда жуда катта қизиқиш уйғотди. Бу, албатта, юртимиз обрў-эътибори ҳамда имижини янада ошириш йўлидаги яна бир қадамдир.

Президентимиз таъкидлаганидек, сўнгги йилларда Ўзбекистонда камбағаллик даражаси 35 фоиздан 6,6 фоизгача қисқартирилди. Бунга, аввало, таълим ва илм-фан соҳасига эътиборни кучайтириш, инновацион тармоқлар ва технологик sanoat корхоналарини барпо этиш, “яшил” энергетика ва транспорт инфратузилмасини модернизация қилиш, кичик бизнесни ҳар томонлама ривожлантириш, юз минглаб иш ўринлари яратиш орқали эришилмоқда. Ҳақиқатан ҳам, мамлакатимизда кейинги йилларда инновацион тармоқларни юксалтириш, янги корхоналарни барпо этиш ва “яшил” иқтисодиётга ўтиш борасида изчил ишлар амалга оширилди.

Бу жараён иқтисодиётнинг sanoatлашувини жадаллаштириш, иш ўринлари яратиш ва экспорт салоҳиятини юксалтиришга хизмат қилмоқда. Қуёш ва шамол энергетикасини ривожлантириш нафақат экологик барқарорликка, балки иқтисодий самарадорликни ҳам таъминламоқда. Ушбу сазй-ҳаракатлар Ўзбекистонни келажақдаги “яшил” ва технологик иқтисодиётга асосланган, рақобатбардош давлатга айлантириш йўлида муҳим пойдевор бўлиб хизмат қилмоқда.



ХАЛҚАРО МИҚЁСДА ИНСОНПАРВАРЛИК ҒОЯЛАРИ ҚАТЪИЙ ИЛГАРИ СУРИЛДИ

Президентимиз Шавкат Мирзиёевнинг Бирлашган Миллатлар Ташкилоти Бош Ассамблеясининг 80-юбилей сессиясидаги нутқида глобал миқёсдаги долзарб масалалар — тинчлик ва барқарорлик, инсон ҳуқуқларини ҳимоя қилиш, экологик муаммолар, иқлим ўзгаришига қарши курашиш, таълим ва соғлиқни сақлаш соҳаларидаги ҳамкорлик, шунингдек, айрим нотинч минтақаларда тинчлик ўрнатиш каби масалаларга таҳлилий ёндашилди. Олий Мажлис Қонунчилик палатаси депутатлари ва экспертлар бу ҳақда ўз муносабатини билдирди.



ҲАМЖИҲАТЛИК ВА ЎЗАРО ҲУРМАТ – ҲАЁТИМИЗНИНГ УСТУВОР ТАМОЙИЛЛАРИ

Президент Шавкат Мирзиёевнинг БМТ Бош Ассамблеяси 80-сессиясидаги нутқида нафақат Ўзбекистон, балки дунё аҳолиси ҳаётида муҳим аҳамият касб этадиган долзарб масалалар кўтарилди, асосли тақлиф ва ғоялар илгари сурилди.

Унда янги Ўзбекистоннинг ёрқин қиёфаси, ташаббускор ҳамда жаҳон ҳамжамиятида муносиб ўрин эғаллаётган давлат сифатидаги мавқеи кўрсатиб берилди. Давлатимиз раҳбари хавфсизлик, иқлим

ўзгариши, барқарор ривожланиш, инсон ҳуқуқлари каби масалалар нафақат мамлакатлар, балки ҳар бир инсон ҳаётига дахлдорлигини айтиб ўтди.



ҲАР КИМ МУНОСИБ МЕҲНАТ ВА ҚУЛАЙ ШАРОИТЛАРДА ИШЛАШ ҲУҚУҚИГА ЭГА

Одам савдосига қарши курашиш ва муносиб меҳнат масалалари бўйича миллий комиссия томонидан мамлакатимизда ходимларни ўз хизмат вазифаларига кирмайдиган ишларга жалб этиш, шунингдек, мажбурий меҳнат ҳолатларини аниқлаш ҳамда уларни бартараф этиш мақсадида мунтазам таҳлилий ишлар амалга ошириб келинмоқда.

Мониторинг

Жорий йилги пахта йигим-терими мавсумида ҳам мажбурий меҳнатнинг олдини олиш мақсадида кенг кўламли профилактик ва тарғибот ишлари йўлга қўйилди. Бу жараёнда Касаба уюшмалари Федерацияси ҳамда Давлат меҳнат инспекцияси томонидан мониторинглар ўтказилмоқда.

Мавсум давомида фуқаролар томонидан тушаётган мурожаатларни тезкор кўриб чиқиш ҳамда меҳнат ҳуқуқларини таъминлаш мақса-

дида Камбағалликни қисқартириш ва бандлик вазириликнинг “1176” ҳамда Касаба уюшмалари Федерациясининг “1092” рақамли ишонч телефонлари узлуксиз фаолият кўрсатмоқда. Шунингдек, фуқароларга қулайлик яратиш мақсадида “Munosibmehnat.uz” телеграм боти орқали мурожаат юбориш имконияти ҳам йўлга қўйилган.

Мониторинг жараёнларида фақат мажбурий меҳнат ҳолатлари эмас, балки меҳнат қонунчилигига риоя этилиши, теримчилар учун муносиб меҳнат ва дам олиш шароитларининг таъ-

минланиши ҳам ўрганилмоқда.

Олиб борилган таҳлиллар натижасида 300 дан ортқ ҳолатларда теримчи ва иш берувчи ўртасида меҳнат муносабатлари қонуний асосда расмийлаштирилиши таъминланди, теримчилар учун муносиб меҳнат шароитлари яратилди. Шу билан бирга, 11 та ҳолатда меҳнат қонунчилиги бузилгани, 3 та ҳолатда эса мажбурий меҳнатга йўл қўйилгани аниқланиб, масъул шахсларга нисбатан Мазмурий жавобгарлик тўғрисидаги кодекснинг 49 ва 51-моддалари асосида қонуний чоралар кўрилди.

Миллий комиссия бундай ҳолатларни қатъиян қоралайди ва мажбурий меҳнат фақат пахта теримида эмас, балки барча соҳада мутлақо йўл қўйиб бўлмайдиган ҳолат эканлигини таъкидлайди. Шу

муносабат билан барча иш берувчилар ҳамда маҳаллий давлат ҳокимияти органлари раҳбарлари ходимларнинг Конституцияга қонунлар билан қафолатланган меҳнат ҳуқуқларига риоя этилишини таъминлашга қақиради.

Шу ўринда таъкидлаш лозимки, Ўзбекистон Республикаси Конституциясига мувофиқ ҳар ким муносиб меҳнат қилиш, касб ва фаолият турини эркин танлаш, қулай меҳнат шароитларида ишлаш ҳамда меҳнати учун адолатли ҳақ олиш ҳуқуқига эга. Мамлакатимизда мажбурий меҳнат тақиқланган ва миллий қонунчилигимизда болалар меҳнати ҳамда мажбурий меҳнат учун маъмурий ва жиноий жавобгарлик белгиланган.

Олий Мажлис Сенати
Ахборот хизмати.



Ифтихор

Янги Марказий Осиёни Шакллантириш Жараёни Бошланди

Бу тарихий гоҳ БМТ Бош Ассамблеясининг 80-сессиясида Президент Шавкат Мирзиёев томонидан илгари сурилди

Марказий Осиё халқлари қадим-қадимдан бир тану бир жон бўлган. Бу бир бутунлиқни дастлаб мустабид тузум парчалаб ташлади. Мазкур бўлинишлар замирида ўзаро низолар келтириб чиқариш мақсади ётарди. Минг афсуски, минтақа республикалари мустақил мамлакат мақомига эга бўлганидан кейин ҳам мавжуд аҳвол яхши томонга ўзгармади, аксинча — ёмонлашди.

Вазият шу даражага бориб етгандики, халқаро кузатувчилар тез орада Марказий Осиёда юз берадиган қонли низолар ҳақида гапира бошлашганди. Баъзилари Марказий Осиёни порох тўлдирилган бочкага ўхшатишарди ва албатта, қачондир портлашини зўр бериб башорат қилишарди.

Марказий Осиё ер, сув, чегара, темир йўл, автомобиль йўллари, электр энергияси тақсимоти борасида боши берк кучага кириб қолган эди. Чегаралар ёпилган, ҳатто чегара постларига олиб борадиган йўللар ҳам бузиб ташланган, тоғтошлар миналаштирилганди.

Чорақ аср давомида оддий халқнинг кўз ёшлари дарё бўлди. Ота-бола, ака-ука, опа-сингил, она-болалар бир-бири билан учраша олмади. Мана шу алам ва изтироблар ичида армон билан ўтиб кетганлар қанча.

Бироқ 2016 йил Марказий Осиёда туб бурилишларнинг бошланиши сифатида тарих саҳифаларига муҳрланди. Ўзбекистон бошқарувида келган Президент Шавкат Мирзиёевнинг минтақа келажаги борасида ўз мақсадлари, ғоялари бор эди. Менинг назаримда, Шавкат Мирзиёев сиёсий фаолиятининг энг юқори нуқтаси — бир бутун Марказий Осиё.

Шавкат Мирзиёев, энг аввало, Марказий Осиёга сиёсий ишончини қайтарди. Аслида бу осон эмасди. 25 йил давомида йўқотилган ишончининг яна пайдо бўлишини кўпчилик тасаввур қилолмасди. Ёлгон тарғибот, душман излаш васвасаси бутун бошли халқларнинг онгини заҳарлаганди. Аммо Президент Шавкат Мирзиёевнинг қатъий позицияси Марказий Осиё давлатлари ўртасида бутунлай янги муносабатлар даврини бошлаб берди.

Давлатимиз раҳбарининг мустаҳкам сиёсий иродаси туфайли Марказий Осиёда манфаатлар мувозанати эришилди. Ўзбекистон томони ташаббусни ўз қўлига олди. “Ўзгалар манфаатини ўз манфаатидан устун қўйиш” энг асосий тамойил сифатида белгиланди. Бу эса нафақат беркитилган эшикларнинг, балки ёпиқ қалбларнинг ҳам очилишига олиб келди.

Ўзбекистон Марказий Осиёда яхши кўшничлик, барқарорлик, ўзаро ҳамкорлик ва ривожланиш йўлидан асло орқага қайтмаслигини амалда намоён этди.

Марказий Осиё минтақаси эркин нафас ола бошлади. Ўз навбатида, “башо-



ратчилар” ҳам тинч турмади. Улар бу вақтинчалик экани, мазкур минтақада ҳеч қачон тинчлик ва ҳамжиҳатлик бўлмаслигини зўр бериб тарғиб этишарди. Нега?

Чунки Шавкат Мирзиёевга мустақилликнинг дастлабки 25 йилидан жуда оғир муаммолар мерос бўлиб қолганди. Ўзбекистон — Тожикистон, Ўзбекистон — Қирғизистон чегаралари тўлиқ белгиланмаган, келишувга эришилмаган, ҳукумат комиссияларининг фаолиятида ҳеч қандай силжиш йўқ эди.

Шундай бир вазиятда Ўзбекистон раҳбарининг узокни ўйлаб олиб бораётган оқилона сиёсати Марказий Осиё бутунлиги ва барқарорлигига йўналтирилди. Президентимизнинг қўшни мамлакатларга нисбатан самимий муносабатининг тарихи, қадим илдизлари бор, албатта. Ўзбекистон томони барча адоватларни унутиб, яқин тарихга эмас, қадим — ҳақиқий тарихга суянишга қақирди.

Ўзбек халқининг “Ўзоқдаги буғдойдан яқиндаги сомон яхши”, “Ён қўшнинг — жон қўшнинг”, “Қўшнинг тинч — сен тинч” каби пурмаъно мақолларига таянган Президентимиз аввал узокдагиларни эмас, яқин қўшниларнинг эшигини очди. Бу бугун Президент Шавкат Мирзиёевнинг “Бир бутун Марказий Осиё” ғояси галаба қилди дейишга бизнинг тўла асосларимиз бор.

2017 йил 20 сентябрь.
БМТ қароргоҳи...

Бирлашган Миллатлар Ташкилоти Бош Ассамблеясининг 72-сессиясида нутқ сўзлаган Шавкат Мирзиёев “**Тинч-осойишта, иқтисодий жиҳатдан тараққий этган Марказий Осиё — биз интиладиган энг муҳим мақсад ва асосий вазифадир. Ўзбекистон ўзаро мулоқот, амалий ҳамкорлик ва яхши кўшничликни мустаҳкамлашнинг қатъий тарафдоридир. Биз Марказий Осиё мамлакатлари билан ҳеч истисносиз барча масалалар бўйича оқилона муроа асосида ҳамкорлик қилишга тайёрмиз**”, деган эди.

Бирлашган Миллатлар Ташкилотининг нуфузли минбаридан дунё ҳамжамиятига қарата айтилган бу фикрлар бугун ҳаётда ўз ифодасини толганини кўриб турибмиз.

2017 йил ноябрь ойида Самарқандда Бирлашган Миллатлар Ташкилоти шафелигида ўтказилган “Марказий Осиё: ягона тарих ва умумий келажақ, барқарор ривожланиш ва тараққиёт йўлидаги ҳамкорлик” мавзусидаги халқаро анжуманда минтақадаги фундаментал муаммолар муҳокама қилинган ҳам фикримиз далилидир.

Президент Шавкат Мирзиёев Марказий Осиё хавфсизлигининг гарови сифатида ўзаро ҳамкорлик ва ҳамжиҳатлик муҳимлигини олдиндан кўра олган эди. Чунки Марказий Осиё давлатларидан бирортасида тинчлик бўлмаса, бу бутун минтақадаги тинчликка хавф солади. Тараққиёт эса, аввало, тинчликка боғлиқ. Марказий Осиёда 25 йил давомида англаб етилмаган ҳақиқат мана шу тақлид юзага чиқди.



Ҳамкорликни ривожлантириш бўйича келишувлар белгиланди

Пойтахтимизда Туркий давлатлар ташкилоти (ТДТ)га аъзо мамлакатлар Бош прокурорлари кенгашининг 4-ййгилиши бўлиб ўтди.

Ййгилиш

Мазкур мажлисда Озарбайжон, Қозоғистон, Қирғизистон ва Туркия Бош прокурорлари ҳамда ТДТ бош котиби қатнашди.

Унда Ўзбекистон Республикаси Президенти Шавкат Мирзиёевнинг ййиғилиш қатнашчиларига йўллаган самимий мурожаати ўқиб эшиттирилди.

Тадбирда бундай форматдаги учрашув давлат-

лараро ҳамкорликни мустаҳкамлаш, тажриба алмашиш ҳамда ҳуқуқни муҳофаза қилиш органлари ўртасидаги ҳамкорликни такомиллаштиришда муҳим платформа экани қайд этилди.

Шунингдек, мажлисда прокуратура органлари фаолиятида замонавий ахборот-коммуникация технологияларини жорий этиш, рақамли криминалистика

соҳасини ривожлантириш, киберхавфсизлик соҳасида халқаро ҳамкорликни мустаҳкамлаш масалаларига алоҳида эътибор қаратилди.

Ййгилиш яқунларига кўра, иштирақчилар декларация қабул қилди. Унда ҳамкорликнинг устувор йўналишлари ва ҳуқуқий ҳамкорликни ривожлантириш бўйича келишувлар белгиланди.

ТДТга аъзо мамлакатлар Бош прокурорлари кенгашининг 5-ййгилишини Қозоғистонда ўтказишга келишиб олинди.

«Халқ сўзи».

Ҳурматли устозлар, азиз ўқитувчи ва мураббийлар!

Сизларни энг улуғ ва мўътабар айём —
1 октябрь — Ўқитувчи ва мураббийлар кунини муносабати билан
самимий қутлаймиз!

Бугун жонажон Ватанимизда ҳар бир эзгу амал, ҳар бир ютуқ,
тараққиёт ва юксалиш замирида сиз, муҳтарам устозларнинг
машаққатли меҳнатингиз, билим ҳамда тажрибангиз, устозларга
хос фидойилигингиз мужассам. Айниқса, ёш авлод қалбига илм-
маърифат нуруни сингдириб, уларни Ватанга садоқатли, комил
инсонлар этиб тарбиялашдаги хизматингиз беқийсдир.

Самарқанд давлат чет тиллар институти жамоаси
мамлакатимиздаги устоз ва мураббийларга чуқур ҳурматини изҳор
қилган ҳолда барчангизга соғлиқ-саломатлик, оилавий бахт,
хонадонингизга файзу барака, Ватан равнақи йўлидаги
фаолиятингизга улкан зафарлар тилайди.
Машаққатли ва шарафли меҳнатингиз билан
келажак авлодни юксак марраларга етакловчи
муҳтарам устоз сифатида ҳамиша эл
ардоғида бўлинг!

Самарқанд давлат чет
тиллар институти жамоаси.




ТОШКЕНТ КИМЁ-ТЕХНОЛОГИЯ ИНСТИТУТИ ЖАМОАСИ

жаннатмонанд юртимиздаги барча устоз ва мураббийларни
1 октябрь — Ўқитувчи ва мураббийлар кунини умумхалқ байрами
билан самимий муборакбод этади!

Ёш авлоднинг илм-маърифат ўчоғи бўлган мактабдан таълим-
тарбия топиб, етук олим, иқтидорли муҳандис, салоҳиятли
раҳбар, таниқли зиёли даражасига кўтарилишида сизнинг
камтарона, айти дамда шарафли меҳнатингиз мужассам. Ана шу
заҳматли касбингиз туфайли бутун инсониятга илм нуруни
таратиб келмоқдасиз.

Бугун мамлакатимизда таълим тизимида берилаётган алоҳида
эътибор туфайли сизнинг касбингиз ўзгача қадр топмоқда,
эъзозланмоқда. Барчангизга ушбу шарафли касб йўлида
муштаҳкам соғлиқ, ҳаётингизда омад ва зафарлар тилаб қолади.



Парасузиш: ҳамюртимиз — жаҳон чемпиони!

Сингапурда бўлиб ўтаётган парасузиш бўйича
жаҳон чемпионатида Ўзбекистон терма жамоаси
вакили Егор Болотов "S13" тоифасида 100 метрга
чалқанча усулда сузиш дастурида олтин медални
қўлга киритди.

Ҳамюрти-
миз финал
баҳсида
58,97 сония
натижа қайд
этиб, барча
рақибини
ортда қол-
дирди. Унинг
энг яқин таъ-
қибчилари
нидерлан-
диялик Томас
ван Ваанрой (59,35) ва украиналик
Олексей Вирченко (59,45) бўлди.

Шу тариқа Е. Болотов жаҳон чемпиони унвонини
қўлга киритиш билан бирга, терма жамоамиз ҳисо-
бига чемпионатдаги иккинчи медални тақдим этди.

Эслатиб ўтамиз, у кеча 100 метрга эркин усулда
сузиш баҳсида бронза медалига ҳам сазовор бўлган
эди. Шунингдек, аёллар ўртасидаги 100 метрга
чалқанча сузиш дастурида вакилимиз Мубинабону
Халилова (S13) еттинчи бўлди.



Бадминтон: вакилларимиз ғолиблар сафида



Пойтахтимиз мезбонлик қилган бадминтон бўйича
Марказий Осиё чемпионати якунига етди. Маълум
қилганимиздек, унда 7 мамлакатдан 97 нафар спорт-
чи "U15", "U17" ва "U23" ёш тоифаларида яккалик,
жуфтлик, микст ва жамоавий дастурларда медаллар
учун баҳс олиб боришди.

Яқунда Ўзбекистон вакиллари 2 та олтин, 7 та
кумуш ва 10 та бронза медалларига сазовор бўлди.
Ва ушбу натижа билан терма жамоамиз медаллар
жамғариш бўйича Эрондан кейин иккинчи ўринни
эгаллади.

От спорти: чавандозларимиз маҳорати

Пойтахтимизда конкур бўйича "Uzbekistan Global Tour — 2025"
мусобақасининг бешинчи босқичи ташкил этилди.

Беллашувнинг тўсиқ баландлиги 135 см. бўлган баҳсларида Бекзод
Рўзмуҳаммадов биринчи ўринни эгаллаган бўлса, 125 см. баландликда-
ги тўсиқлардан от сакратишда Ангелина Пастухова олтин медалга эга
чикди. Абдушукор Собиржонов 110 см. баландликдаги тўсиқлардан му-
ваффақиятли ўтиб, ушбу йўналиш ғолибига айланди.

Шу билан бирга, 10 — 14 ёшли чавандозлар орасида ўтган белла-
шувларда Севинч Назарова (110 см.) ва Лочин Тоҳиржонов (105 см.)
мусобақада ғалаба қозонди. 90 см. баландликдаги тўсиқлардан от
сакратишда Нилуфар Қодировога тенг келадигани топилмади.

«Халқ сўзи».



«Халқ сўзи».

Футзал: Индонезияда кўришгунча!

2026 йил 27 январдан 7 февралга қадар футзал
бўйича Индонезия пойтахтида бўлиб ўтадиган Осиё
кубоғига саралаш баҳслари якунланди.

Мазкур саралашда етти та гуруҳда тўрттадан жамоа
ва битта гуруҳда учта жамоа қатнашди. Регламентга
кўра, ҳар бир гуруҳдан ғолиб саккизта жамоа ва энг
яқини етти та иккинчи ўрин эгалари Осиё чемпионати
финал босқичига йўл олиши белгиланган.

Мусобақа якунларига биноан, Австралия, Афғонис-
тон, Таиланд, Япония, Қирғизистон, Вьетнам ва Эрон
терма жамоалари ўз гуруҳларида биринчи ўринни эгал-
лаб, финал босқичига чиқди. Шунингдек, Ўзбекистон,
Жанубий Корея, Тожикистон, Ливан ва Малайзия тер-
малари энг яқини иккинчи ўрин эгаси сифатида Индо-
незияга борадиган бўлди.

Айтиш жоизки, саралаш баҳсларининг "D" гуруҳи-
даги ўйинлар октябрь ойида ташкил этилаётгани боис
Осиё кубоғида қатнашадиган яна учта терма жамоа
номи ҳали аниқланганича йўқ.

Хушхабар

УНИВЕРСИТЕТ ДИПЛОМИ ТУРКИЯДА ҲАМ ТАН ОЛИНАДИ

Янги ўқув йилидан Навоий давлат
университетининг халқаро миқёсдаги нуфузи яна
бир қадар юксалиб, халқаро олий таълимга
интеграциялашувда навбатдаги қадам қўйилди.



Яқинда Туркия Республикасининг Олий таълим кенга-
ши Навоий давлат университети халқаро тан олинган
университетлар рўйхатида киритилганини эълон қилиб,
расмий хат йўллади.

— Энди университет битирувчиларининг барча дип-
ломлари Туркия Республикасида расман тан олинади, —
дейди Навоий давлат университети ректори вазифаси-
ни бажарувчи Мухиддин Калонов. — Туркия олий таъ-
лим муассасалари билан академик ҳамкорлик йўлга қўйи-
либ, талабалар ва профессор-ўқитувчилар алмашинуви
амалга оширилади. Қўшма даққурувчилар, илмий мақолалар
ҳамда халқаро конференциялар ташкил этилади.

Табиийки, бу университетнинг талаба ва битирувчи-
лари ҳамда илмий муҳит учун янги уфқ ва кенг имкони-
ятлар демакдир.

Темур ЭШБОЕВ
(«Халқ сўзи»).

Бугун Тошкентда «Маданий ўлчов ва Ўзбекистон — Ўмон мулоқоти: ислоҳотлар йўли» мавзуида илмий конференция бўлиб ўтади.

Халқ сўзи Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги
Ахборот ва оммавий коммуникациялар агентлигида 0001-рақам билан
рўйхатга олинган. Нашр индекси — 229. Буюртма Г — 942. 10 804 нусхада босилди,
ҳажми — 3 табоқ. Офсет усулида босилган. Қоғоз бичими А—2. Баҳоси келишилган нархда.

Газетамиз ҳақидаги маълумотларни қўлаб оlish учун QR-коднинг телефонингиз орқали сканер қилинг.

ТЕЛЕФОНЛАР:
Девонхона 71-259-74-51; котибият 71-259-74-53;
эълонлар 71-259-74-87.



Таҳририятга келган кўлаёмалар тақриз қилинмайди ва
муаллифга қайтарилмайди.

Газетанинг сўзлаб берилиши учун обунани
расмийлаштирган ташкилот жавобгар.

Газета таҳририят компьютер марказида терилди ҳамда оператор
А. Исмаилов томонидан саҳифаланди.

Газетанинг полиграфик жиҳатдан сифатли чоп этилишига
«Шарқ» нарийёт-матбаа акциядорлик компанияси масъул.
Босмахона телефони: 71-233-11-07.

• МАНЗИЛИМИЗ:
100066,
Тошкент шаҳри,
Ислом Каримов кўчаси, 55-уй.
Навбатчи муҳаррир — С. Мамиров.
Мусахҳиҳ — Ш. Машраббоев.

«Шарқ» нарийёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА якуни — 21.40 Топширилди — 00.55 1 2 3 4 5 6